

Republika e Shqipërisë
Enti Rregullator i Energjisë

**LIÇENSË
PËR
PRODHIMIN E ENERGJISË ELEKTRIKE**

Numri i Liçensës:

Certifikata e Regjistrimit:

Seria:

Data e Hyrjes në Fuqi:

Liçenca i jepet:

Shoqeria:

NUIS:

Detyrimi për shërbimin publik: _____

Data e hyrjes në fuqi :

Kohëzgjatja :

Bazuar në autoritetin që i është dhënë në Pjesën e Peste të Ligjit Nr. 43/2015 “Për Sektorin e Energjisë Elektrike”, Enti Rregullator i Energjisë (“ERE”) i jep këtë Liçensë Prodhimi (“Liçensa”), për të kryer aktivitetin e prodhimit të energjisë elektrike (PEE) ose/dhe për të përmbushur detyrimin e shërbimit publik/universal, Personit të lartpërmendur, i quajtur “I Liçensuari”, subjekt i Kushteve të kësaj Liçense si dhe kushteve të përcaktuara në Vendimin Bordit të ERE-s. Kjo Liçensë hyn në fuqi në datën e shkruar më lart dhe do të vazhdojë të jetë në fuqi për një periudhë prej, në rast se nuk përfundohet ose pezullohet nga ERE-ja në përputhje me Kushtet e Liçensës të përfshira këtu.

KRYETARI I ERE-s

Republika e Shqipërisë
Enti Rregullator i Energjisë

**KUSHTET E LIÇENSË
PËR
PRODHIMIN E ENERGJISË ELEKTRIKE**

Seria:

Numri i Liçensës:

I jepet:

(emri i plote i te licensuarit)

1. Dispozita të Përgjithshme

- 1.1 ERE është autoriteti i vetëm në Republikën e Shqipërisë, i njohur sipas Pjesës së Pestë të Ligjit Nr. 43,/2015 “Për Sektorin e Energjise Elektrike”, për të leshuar dhe deklaruar hyrjen ne fuqi të kesaj Liçense.
- 1.2 Nese ndonje kusht i kesaj Liçense behet nul ose shfuqizohet, ky kusht do të hiqet nga Kushtet e Liçences dhe Kushtet e mbetura të Liçences do të vazhdojne të jene plotesisht ne fuqi.
- 1.3 Asetet e të licensuarve me kapacitet te instaluar mbi 1 MW, apo kur asetet të cilat kërkohet të transferohet, kalojnë vlerën prej 1.50.000.000 leke kërkohet miratimi i ERE.
- 1.4 ERE-ja ka të drejten ekskluzive për të ndryshuar kete license, ne rast se kushtet dhe rrethanat kane ndryshuar si dhe për të përmbushur dispozitat e çdo Kodi Rrjeti, Kodi Shpërndarje, Kodi Mates dhe Rregulla Tregu të miratuara nga ERE sipas Legjislacionit ne fuqi.
- 1.5 Ne çdo kohe, i Liçensuari do të mbaje vetem nje liçense për Prodhimin e Energjise Elektrike.
- 1.6 Ne kete Liçencë perfshire Kushtet e Liçencës dhe Anekset e saj, perveç kur konteksi e kerkon ndryshe, termat e perdorur do te kenë kuptimet sipas Ligjit Nr.43/2015 “Per Sektorin e Eenergjise Elektrike”, si vijon:

Shërbimet Ndhmëse	Janë shërbimet e nevojshme për operimin e qëndrueshëm të sistemit të transmetimit ose shpërndarjes.
Biznesi Shoqerues	Çdo biznes tjetër që direkt ose indirekt, teresisht ose pjesërisht: <ol style="list-style-type: none"> 1. është prone e të Licensuarit; ose 2. ka pronesi të Licensuarin; ose 3. është ne pronesi të nje Personi, i cili është prone e të Licensuarit.
Ndër-Subvencionimet	Transferim fondesh ose ndarje kostosh brenda llogarive të të Licensuarit ose mes Bizneseve Shoqeruese për mbështetje financiare të nje aktiviteti ose biznesi me koston e nje tjetri.
Furnizim me Energji Elektrike	është shitja, përfshirë rishitjen e energjisë elektrike te klientët.
ERE	“ERE” do të thote Enti Rregullator i Energjise që është institucioni rregullator i sektorit të energjisë elektrike dhe gazit natyror, i cili funksionon në përputhje me ligjin 43/2015 “Për Sektorin e Energjisë Elektrike” dhe ligjin nr. 102/2015, “Për Sektorin e Gazit Natyror.”
Forca Madhore	është një akt ose ngjarje natyrore apo shoqërore, si tërmetet, rrufetë, ciklonet, përmbytjet, shpërthimet vullkanike, zjarret ose luftërat, konfliktet e armatosura, kryengritjet, veprime terroriste ose ushtarake, të cilat pengojnë të licencuarin të përmbushë detyrimet e tij sipas licencës, si dhe akte apo ngjarje të tjera që janë përtej kontrollit të arsyeshëm dhe që nuk kanë ardhur për faj të të licencuarit dhe i licencuari nuk ka pasur mundësi të shmangë një akt ose ngjarje të tillë nëpërmjet ushtrimit të vullnetit, përpjekjeve, aftësive dhe kujdesit të tij të arsyeshëm.
Prodhimi	Është procesi i prodhimit të energjisë elektrike nga burime primare të energjisë.
Njësi Prodhimi	Njesite individuale dhe/ose pajisjet kryesore të impjantit ose impjanteve të poseduara nga i Licensuari për prodhim të energjisë elektrike siç përshkruhen ne menyre me të plote ne Aneksin A.

Legjislacioni ne Fuqi	Ligjet e Republikes se Shqipërise të miratuara nga Kuvendi i Shqipërise, dhe aktet e tjera nenligjore te miratura nga ERE apo organet e tjera t e ngarkuara me ligj.
Liçencë	është një e drejtë që i jepet një personi për ushtrimin e një veprimtarie në sektorin e energjisë elektrike, në përputhje me dispozitat e ligjit nr. 43/2015, “Për Sektorin e Energjisë Elektrike”
I Liçensuari	Personi qe mban kete Liçence për prodhimin e Energjise elektrike i përmendur ne faqen e pare te kesaj Liçence.
Personi	Person do të thote çdo person juridik i krijuar ne perputhje me legjislacionin ne fuqi.
Central i Energjisë Elektrike	është një tërësi godinash dhe impiantesh të caktuara, të cilat kanë si funksion bazë prodhimin e energjisë elektrike
Sistemi i Energjise Elektrike	është një sistem i ndërlidhur, i përbërë nga centralet elektrike, linjat elektrike, nënstacionet dhe pajisjet e transmetimit e shpërndarjes, me qëllim transmetimin apo shpërndarjen e energjisë elektrike te klientët
Tarifat e Rregulluara	Nje tarife, e aprovuar nga ERE-ja sipas Legjislacionit ne Fuqi.
Rregulloret dhe Rregullat	Standartet, kodet, rregulloret, urdherat dhe rekomandime të tjera të miratuara nga ERE.
Transferimi	Transferim do të thote çdo shitje, dhenie me qera, ose ndonje disponim tjetër, i plote ose i pjesshem, i se drejtes për t’u angazhuar ne Aktivitetin e Liçensuar apo i aseteve qe sherbejne per aktivitetin e licensuar.
Operatori i Sistemit të Transmetimit (OST)	është personi juridik, përgjegjës për operimin, mirëmbajtjen dhe zhvillimin e sistemit të transmetimit, duke përfshirë interkoneksionet me sistemet e tjera ndërkufitare, për të siguruar aftësinë afatgjatë të sistemit për plotësimin e kërkesave të arsyeshme për transmetimin e energjisë elektrike.

është një person juridik, përgjegjës për operimin e sigurt, të besueshëm dhe të efektshëm të rrjetit të shpërndarjes, duke siguruar mirëmbajtjen dhe zhvillimin e sistemit të shpërndarjes, të shtrirë në një zonë të caktuar dhe, kur është e aplikueshme, lidhjet e tij me sisteme të tjera për të siguruar aftësi afatgjatë të sistemit për të përmbushur kërkesat e arsyeshme për shpërndarjen e energjisë, në harmoni me mjedisin dhe efikasitetin e energjisë

**Operatori i
Sistemit te
Shperdarjes
(OSSH)**

Sherbimi publik

është shërbimi që sigurohet nga një i licencuar që operon në sektorin e energjisë elektrike, që lidhet me sigurinë dhe cilësinë e furnizimit, çmimet e rregulluara në sektorin e energjisë elektrike, efikasitetin e energjisë elektrike, energjinë nga burimet e rinovueshme, mbrojtjen e mjedisit, përmbushja e të cilit nuk cenon konkurrencën, përveç kur është e domosdoshme për të siguruar shërbimin publik në fjalë.

2. Kryerja e Aktivitetit të Liçensuar

- 2.1 I Liçensuari autorizohet nga kjo Liçence për të ushtruar Aktivitetin e Liçensuar ne centralet elektrike qe përdorin Njesite Prodhuese të specifikuara ne Aneksin A. I Liçensuari, ne çdo kohe dhe ne çdo aspekt të Aktivitetit të tij të Liçensuar, do të prodhoje Energji Elektrike ne përputhje me standartet e miratuara ne legjislacionin ne fuqi.
- 2.2 I Liçensuari do të njoftoje menjehere ERE-n për çdo ndryshim ne fuqine e instaluar te secilit prej Njesive Prodhuese ose centraleve elektrike të identifikuara ne Aneksin A qe rrisin ose ulin kapacitetin prodhues të disponueshem nga i Liçensuari.
- 2.3 Çdo rritje e kapacitetit te instaluar, qe kalon 10% të sasise të kapacitetit të identifikuar ne Aneksin A, do të kerkoje nje amendim të kesaj Liçence-
- 2.4 Ne rrethanat e përcaktuara në nenin 36 të ligjit nr. 43/2015 dhe me qellim qe të nxitet konkurenca ne tregun e energjise elektrike, ERE sipas kushteve te vendosura nga Këshilli i Ministrave mund të kufizojë here pas here, kapacitetin total prodhues të autorizuar nga kjo Liçence.
- 2.5 Jo me vone se 30 dite nga leshimi i kesaj license i Liçensuari do të siguroje jeten dhe shendetin e njerezve si dhe asetet qe sherbejne per ushtrimin e aktivitetit ne përputhje me Legjislacionin ne fuqi.
- 2.6 I Liçensuari nuk do të pengojë, parandalojë ose tentojë të pengojë të liçensuarit e tjere ose konkurentet potenciale qe të angazhohen ose të hyjne ne menyre të ligjshme ne nje nga aktivitetet ne sektorin e energjise elektrike ne Republiken e Shqipërisë;
- 2.7 I Liçensuari nuk do të angazhohet ne Nder-Subvencionime. I Liçensuari do të ndaje llogarite e tij financiare sipas aktiviteteve qe ushtron ne perputhje me parashikimet e nenit 35 te ligjit 43/2015 “Per sektorin e energjise elektrike”.
- 2.8 I Liçensuari nuk do të angazhohet ne asnje forme aktiviteti monopol të ndaluar nga Legjislacioni ne Fuqi ose rregulloret dhe rregullat e aprovuara nga ERE.
- 2.9 I Liçensuari do ta kryeje Aktivitetin e Liçensuar ne përputhje me parimet e eficencës ekonomike dhe objektivin për arritjen e

kostove me të ulta.

I licensuari do të informoje ERE përpara se të fillojë cdo aktivitet tjetër të ndryshëm nga ai për të cilin është licensuar. ERE ka të drejtë të ndalojë ushtrimin e cdo aktivitetit tjetër të ndryshëm nga ai i të licensuarit kur e shikon të arsyeshme.

- 2.10 I Liçensuari nuk duhet të angazhohet ne aktivitete të tjera, qe pengojne ose mund të pengojne kryerjen e duhur të Aktivitetit të Liçensuar. I Liçensuari do të informoje EREpara se të ndermarre ndonje aktivitet, përveç Aktivitetit të Liçensuar. ERE mund të marrë masa në lidhje me të Liçensuarin nëse kryen çdo aktivitetin të ndaluar nga ERE, përveç Aktivitetit të Liçensuar. Rastet në të cilat ERE mund të pengojë kryerjen e ndonjë aktiviteti tjetër kur qëllimi është mbrojtja e shëndetit të njërzve apo raste të tjera të natyrës së Forcës Madhore.

3. Detyrimet e të Liçensuarit

- 3.1 I Liçensuari do të zbatoje Legjislacionin ne Fuqi perfshire dhe detyrimet e sherbimit publik te caktuara ne perputhje me ligjin 43/2015 “Për Sektorin e Energjisë Elektrike. I licensuari do te regjistrohet si pjesmarres i tregut shqiptar te energjise elektrike prane Operatorit të Tregut sipas procedurave te regjistrimit dhe do te zbatoje parashikimet e VKM nr. 244, datë 31.04.2016, Rregullat e Tregut shqiptar te energjise elektrike dhe aktet nënligjore te miratuara nga ERE për këtë qëllim.

3.2 Llogaritë dhe Raportimi

3.2.1 I Liçensuari do të mbaje regjistra llogarie dhe do të përgatise bilance financiare konform legjislacionit ne fuqi, dhe standartet nderkombetare të kontabilitetit. I Liçensuari do t'i dorezoje ERE-s bilancet financiare vjetore se bashku me raportet e auditit brenda dates 31 Qershor të çdo viti.

3.2.2 I licensuari do te raportojë cdo muaj ne ERE mbi energjine e prodhuar gjate nje muaji, oret e punes, problematikat te e hasura gjate operimit. Te Liçensuarit i kerkohet të përgatise dhe t'i paraqese ERE-s deri me 31 Janar të çdo viti, nje raport vjetor lidhur me operimet e tij gjate vitit kalendarik të meparshem dhe qe përmban sa me poshte:

1. nje përmbledhje dhe analize të aktiviteteve të te Liçensuarit;
2. prodhimin e energjise elektrike gjate vitit;
3. cilesine e prodhimit dhe detaje të çdo mase të marre për përmiresimin e cilesise se prodhimit;
4. çdo defekt të ndodhur gjate vitit;
5. detaje mbi çdo ndryshim të bera ne Asetet e Prodhimit, përfshire detaje të çdo elementi qe është zgjeruar, nxjerre jashte përdorimit ose zevendesuar gjate vitit.

3.2.3 Nese i Liçensuari parashikon nje situatë emergjence siç përcaktohet nga Legjislacioni ne Fuqi, i Liçensuari do të njoftoje pa vonese ERE-n dhe ky njoftim do të përshkruaje çfare masash do të marre i Liçensuari për të parandaluar ose përmiresuar ndikimet e situates emergjente ne prodhimin e energjise elektrike.

3.2.4 I Liçensuari do të ndaje shpenzimet e përbashketa mes Aktivitetit të tij të Liçensuar dhe aktiviteteve të tjere (përfshire dhe ato të liçensuara).

I Liçensuari do t'i paraqese ERE-s dokumentacionin qe tregon bazat për ndarjen e shpenzimeve të përbashketa.

3.2.5 I Liçensuari do të njoftoje ERE-n brenda 10 diteve për çdo ndryshim te:

- a) adreses;
- b) statutit të te Liçensuarit;
- c) çertifikates se regjistrimit;
- d) NUIS;

- e) ddrejtuesve kryesor;
- f) strukturese se asetëve me mbi 10%.

3.2.6 Gjithë njoftimet zyrtare, aplikimet, peticionet, deklaratat ose korrespondenca tjeter me ERE-n lidhur me detyrimet sipas kesaj Liçence duhet të jene me shkrim, duke caktuar respektivisht nga nje zyrtar të autorizuar ose përfaqesues tjeter të te Liçensuarit ose të ERE-s. Keto dergohen me korrier ose poste të regjistruar, duke kerkuar nje verifikim të fletes se marrjes. Adresat e Paleve duhet të vendosen mbi zarf. Gjithë njoftimet ose korrespondenca tjeter do të konsiderohen se hyjne ne fuqi nga momenti i dorezimit, ose nese nuk jane dorezuar për shkak të gabimit të derguesit, nga momenti i prezantimit. Do te konsiderohen te pranuar edhe gjithe njoftimet e derguara permes postes elektronike zyrtare te komunikuar me pare zyrtarisht nga palet.

3.3 Përdorimi i Informacionit

3.3.1 I Liçensuari do të siguroje qe çdo informacion i marre nga të tjere si rezultat i Aktivitetit të tij të Liçensuar nuk do ti jepet askujt, me përjashtim të rasteve kur:

- a) jepet pelqimi paraprak me shkrim i Personit me të cilin lidhet informacioni;
- b) kur informacioni është bere publik;
- c) te Liçensuarit i kerkohet ose i lejohet të përhape informacionin për të përmbushur Kushtet e kesaj Liçence sipas nje urdheri të ERE-s, ose çdo dispozite ligjore të aplikueshme.

3.3.2 I Liçensuari do të siguroje qe çdo Biznes Shoqerues nuk do të përdore asnje Informacion ne posedim të te Liçensuarit për të fituar nje avantazh konkurrues të pajustificuar, dhe do të siguroje qe nuk do të përhape asnje informacion tek ndonje Person tjeter (përfshire ata të nje Biznesi tjeter Shoqerues) gje qe do te mundesonte kete Person të fitonte çdo lloj avantazhi komercial të pajustificuar.

3.3.4 Informacioni i derguar ERE-s nga i Liçensuari do të konsiderohet publik me përjashtim të rasteve kur me kerkese specifike të te Liçensuarit, ERE-ja me vendim, përcakton qe ky informacion është i natyres pronesore dhe se përhapja e tij nuk i sherben interesit publik.

3.5 I Liçensuari do të zbatoje Kodet, Rregulloret dhe Rregullat e tjera të aprovuara nga ERE-ja si dhe rregullat e operimit dhe shfrytezimit te OST, përfshire kryerjen e gjithe urdherave operative, instruksioneve ose udhezimeve dhe paraqitjen e informacionit teknik dhe gjithe

dokumentacionit tjetër të kërkuar nga OST apo OSSH.

3.7 Detyrimet ndaj Operatorit të Sistemit të Transmetimit

3.7.3 I Licensuari do të sigurojë Shërbime Ndhimese sipas marrëveshjeve të lidhura me Operatorin e Sistemit të Transmetimit në përputhje me legjislacionin në fuqi.

3.7.5 Marrëveshjet për shitblerjen e energjisë elektrike me çmime të rregullura duhet të përputhen me kontratat model të miratuara nga ERE.

3.8 Rritja ose Ulja e Kapacitetit Prodhues.

3.8.1 I Licensuari do të informojë ERE-n dhe Operatorin e Sistemit të Transmetimit mbi reduktimin e pjesëshëm ose të plotë të kapacitetit prodhues, të pakten një vit para realizimit të tij duke paraqitur një shpjegim të detajuar për këtë qëllim. ERE-ja mund ta përjashtojë të Licensuarin nga ky detyrim në rast se reduktimi i kapacitetit të prodhimit shkaktohet nga një Force Majeure.

3.9 Mosmarrëveshja mes të Licensuarit dhe një të licensuari tjetër që ka të bëjë me një çështje brenda juridiksionit të ERE-s që nuk mund të zgjidhet nëpërmjet negociatave të paleve, do të zgjidhet nga ERE-ja, pasi të degjoje me pare palet, brenda qëllimit të autoritetit të ERE-s dhe në përputhje me Rregulloret dhe Rregullat e tij.

3.10 Pagesat e Rregullimit

3.10.1 I Licensuari do të paguajë pagesën e rregullimit në mënyrën e përcaktuar nga ERE gjatë afatit të kësaj Liçence në përputhje me nenin 17 të Ligjit Nr. 43/2015 “Për Sektorin e Energjisë Elektrike” .

3.10.2 Nëse i Licensuari nuk i paguan ERE-s pagesat e rregullimit në përputhje me paragrafin 3.10.1, brenda afatit të përcaktuar në ligjin nr. 43/2015, “Për

sektorin e energjisë elektrike”, i Licensuari do të penalizohet ne përputhje me Nenin 107, të po këtij ligji.

4. Kontrolli mbi Kryerjen e Aktivitetit të Licensuar

- 4.1 ERE-ja do te monitoroje zbatimin e Kushteve të Liçenses nga i Licensuari, do të shqyrtoje raportet e marra nga i Licensuari dhe, ne çdo kohe, mund të monitorojë regjistrimet e llogarive të te Licensuarit dhe të kerkoje nje auditim teknik dhe/ose kontabel të aktiviteteve të tij.
- 4.2 Përfaqesues të autorizuar të ERE-s kane të drejte të monitorojë objektet e të Liçensuarit, pajisjet dhe dokumentat e tij për të verifikuar përputhjen e kryerjes se Aktivitetit tëLiçensuar me kushtet e liçenses si dhe aktet ligjore ne fuqi.
I Licensuari do të marrë cdo masë të nevojshme për të siguruar monitorimin nga ana e ERE pas marrjes së njoftimit.
- 4.3 Ne baze të ankeses se çdo pale të trete ose ne baze të vete propozimit të ERE-s, ky i fundit mund të nise nje hetim mbi zbatimin nga i Licensuari të kushteve të Liçences se tij ose të akteve ligjore ne perputhje me kompetencen e ERE ne sektorin e energjise elektrike.
- 4.4 I Licensuari do të informoje ERE-n duke dhene shpjegimet dhe arsyet për çdo shkelje të ketyre Kushteve të Liçences brenda 7 diteve pune nga momenti kur kjo shkelje behet e njohur për të Liçensuarin.
- 4.5 Nese pas hetimit, ERE konkludon se i Licensuari nuk i ka zbatuar Kushtet e Liçences,
ERE mund të korrigjoe tarifën dhe kontratat e të Liçensuarit dhe/ose të marre masa të tjera brenda qellimit të autoritetit të tij për të mbrojtur interesat e konsumatoreve të energjise elektrike.
- 4.6 I Licensuari do t’u bindet vendimeve të marra nga ERE-ja, përfshire pagesen e gjobave të vendosura nga ERE-ja, ne përputhje me Legjislacionin ne Fuqi.

5. Amendamenti i Liçences

5.1. ERE-ja mund të amendoje Kushtet e Liçences ne rast si me poshte:

- a) me iniciativë të ERE;
- b) në bazë të një vendimi gjyqësor të formës së prerë,
- b) kur ndryshojnë kushtet e kontratës koncesionare
- c) me kërkesën e të licencuarit

ERE merr në konsideratë ndikimet e pritshme që modifikimet e iniciuara apo të propozuara sjellin ndaj detyrimeve që i licencuari ka në përputhje me ligjin nr.43/2015 dhe kushtet e licencës së tij si dhe Rregullores për Procedurat e Licensimit, Modifikimit, Transferimit Rinovimin dhe Heqjen e Licensave ne Sektorin e Energjisë Elektrike .

5.2. Përpara miratimit të modifikimit të një licence, ERE publikon modifikimet e propozuara dhe shqyrton vërejtjet ose ankesat e mundshme, të paraqitura nga palët e interesuara lidhur me këtë proces.

6 Heqja e Liçences

6.1 ERE heq një licencë kur i licencuari:

- a) nuk përmbush më kushtet thelbësore të licencës së dhënë ;
- b) shkel dispozitat ligjore për mbrojtjen e mjedisit gjatë kryerjes së veprimtarisë së tij;
- c) rrezikon jetën, shëndetin dhe pasurinë e qytetarëve;
- ç) nuk kryen pagesat e rregullimit, të vendosura nga ERE,
- d) bëhet financiarisht i paaftë ose kërkon shpalljen e falimentimit;
- dh) me kërkesë të të licencuarit;
- e) ka pushuar së kryeri funksionet e caktuara sipas licencës.

6.2 Nese i Licensuari ndryshon statusin e tij ligjor ose nese aksionari/ortaku qe kontrollon interest e te Licensuarit ndryshohet pa autorizimin e ERE-s, Liçenca behet nul (e pavlefshme) dhe anulohet dhe pasuesi i të Licensuarit do të aplikoje për nje liçence të re ne përputhje me procedurat e ERE-s për dhenie liçence.

Kjo License mund te transferohet vetem me vendim me shkrim te ERE-s dhe sipas afateve dhe kushteve te vendosura nga ERE. Çdo vendim i ERE-s per ndonje transferim te kesaj License do te jete subjekt i gjykimit te ERE-s nese personi te cilit i transferohet licensa do te kete aftesine teknike dhe financiare per te plotesuar afatet dhe kushtet e kesaj License.

Çdo transferim i kesaj License pa miratimin e ERE-s do te anulohet dhe do te perbeje nje shkelje te kesaj License.

Kur Licensa perfundon si pasoje e shkeljeve nga i Licensuari te kushteve te Licenses, i Licensuari do te pergjigjet per koston e qe i shakton ERE-s, dhe pjesemarresve te tregut si rezultat i ketij perfundimi, siç percaktohet nga ERE, perfshire koston lidhur me transferimin e rregullt te Licenses tek nje i Licensuar i ri.

Kur ERE percakton se i Licensuari ka shkelur nje ose me shume kushte te Licenses, te Licensuarit do t'i jepet nje mundesi e arsyeshme per ta korrigjuar shkeljen para perfundimit te Licenses. Përyjashtim bëjnë rastet kur nga organet kompetente konstatohen shkelje të natyrës korruptive.

7. Zgjidhja e Mosmarrëveshjeve dhe e Drejta për Apelim

- 7.1 Cdo çeshtje e diskutueshme ose kerkese mes të Licensuarit dhe çdo Përdoruesi të Sistemit të Transmetimit lidhur me Aktivitetin Dispeçerues ose kushtet e Licences do të zgjidhet sa me shume qe të jete e mundur me mirekuptim.
- 7.2 Nese zgjidhja nuk arrihet me mirekuptim, atehere ERE-ja ne baze të kerkeses se nje prej paleve ne mosmarreveshje do ta zgjidhe mosmarreveshjen dhe do të nxjerre vendimin e tij ne përputhje me Legjislacionin ne Fuqi.
- 7.3 Çdo pale ne konflikt mund të apeloje kunder vendimeve të ERE-s ne Gjykatën e Administrative Tirane Brenda 30 diteve kalendarike nga data e publikimit te vendimit ne Fletoren Zyrtare.
- 7.4 Subjektet e licencuara do të zbatojnë vendimet e ERE-s, deri në nje vendim gjykate të formës së prerë".

Republika e Shqipërisë
Enti Rregullator i Energjisë

**LICENCË
PËR
PRODHIMIN E ENERGJISË ELEKTRIKE**

Licenca i jepet:

Seria:

Numri i Liçences:

Data e hyrjes në fuqi të këtij Aneksi:

ANEKSI A

**LISTA E AUTORIZUAR
E**

IMPJANTEVE DHE NJËSIVE GJENERUESE TË ENERGJISË ELEKTRIKE			
Impianti	Numri i Njesise	Kapaciteti i Instaluar	Dt. e Venies ne Sherbim

